

# ADEMARI MONACHI

## ACROSTICHON

*Ad Rohonem episcopum Ecolismensem.*

(Apud Mabill. *Analect.* nov. edit. pag. 432.)

R	ex dominans mihi fautor ades, ne codice fam	A
O	pticeat titulis, hunc renitescat apu	D
H	occe volumen Ecolisma Rotno præsul in urb	E
O	m nibus eximius condidit egregiu	M
E	cce patrum renitet tomus præclara trophæ	A
P	etri quis nituit ordine clarus hono	R
I	uraque bellorum Christi inlustrissima corn	R
S	anctum flamineo quæ tulit ore genu	U
C	ertatinque venenosos stravere chelydro	S
O	rnatî stolis quomodo mirific	S
P	romptior ac micuit per eos primatibus ardo	E
D	t fuerintque Deo subdita colla di	R
V	ir pie clare bonis Præsul Rotno comptior act	V
S	emper amande mihi, accipito hos modulo	U
X	enia ADEMARIUS dederim tibi talia cur mo	S
R	ite tuum scire est unde reposco detu	X
I	anua amoris adesto mihi præclara beat	R
S	int furiaque procul, dum mihi pars pia si	I
T	e sic EPARCIVSQUE Petrus munimine coman	S
I	n superi nos qui castra vehantque pol	T

### ADNOTATIO.

Hoc Acrostichon scripsit *Ademarus servus Christi*, id est monachus, ex prænobili familia Cabannensi, Ecolismæ in sancti Eparchii cœnobio institutus, cujus Chronicon et Commemoratio abbatum basilicæ sancti Martialis exstant in tomo secundo Bibliothecæ Labbeanæ. Florebat hic auctor anno 1030, quo tempore Historiam pontificum Romanorum Damaso ascriptam Roho præsul Ecolimensis describi curavit opera ipsius Ademari, ut testantur superiores versus appositî in fronte codicis, qui modo in Uticensi monasterio asservatur, desinitque in Leone IV.

Non ab re erit hic subjicere titulum et clausulam, quam idem Ademarus apposuit membraneo codici ecclesie sancti Martialis apud Lemovicæ, qui codex complectitur quatuor libros Amalarii de divinis Officiis, in quorum titulo hæc leguntur :

*Incipit præfatio Symphosii Amalarii clerici, in libros De divinis officiis, ad Ludovicum imperatorem.*

Et in fine codicis : *Explicit liber Symphosii Amalarii presbyteri venerabilis De divinis officiis, quem misit ad Ludovicum et Lotharium reges, filios Caroli Magni imperatoris : quem librum in hoc corpore transcribi curavit Ademarus indignus monachus in honorem Dei et sancti Benedicti.* Quæ idcirco huc refero quod Symphosii prænomen nusquam legerim tributum Amalario, qui in eodem codice tantum *Presbyter et clericus* appellatur.